

Westfriesche stad rechten 4 Oude vaderl. Rechtsbronnen
begint ald.

355

WESTWOORDEca 1581.122. *Van schepenen te verdagen.*

Item soe wanneer den schout schepenen verdagen laet over gastrecht te doen oft getuychnis int scepenboeck te laeten teyckenen, ende nyet en compt, die verbuerde elcx V st. Ende zoe den schout selfs nyet en quam of zynen gemachticht, verbuerde mede X stuvers.

123. *Beginnen te rechten.*

Item somers sal men beginnen te rechten voor XI ¹⁾ uren, ende swinters voor XII ¹⁾ uren, op peene van elcx X st, tot schepenen proeff.

124. *Van waerts ende waerdinnen.*

Item geen waerts binnen onse jurisdictie moeten geen gasten hier vercoopen up eenige merckelyke vierdagen, als sondagen, predicatiedagen, Pijnster, Paesschen, Karstijt, Jaersdach ende Hemelvaertsdach, smorgens voor XI uren, elcken gäst te verbueren tien stuvers, ende den waert XX stuvers, uytgesondert den reysende man.

125. *Soe wie ander scade doet.*

Voorts soe men yemant vint die eenen scade doet, mach men smyten, stooten, slaen, sonder verbueren. Welverstaende dat men denzelven nyet doot smyten mach. Ende den quaetdader sal verbueren X pont, tot schepenen proeff.

126. *Van baeckeren.*

Item daer moet nyemant baeckeren, op peene van V st., wat de jongers doen, an den ouden te verhaelen. Daer geen goet is, ant lichaem.

127. *Van byten te houwen.*

Item men moet een bijt houwen voor alle huysen van een halve roede int viercant, ende alle morgens te openen, up V st., tot scepenen proeff.

→ 128. *Van colven ende clootschieten.*

Daer moet nyemant, jongen noch ouden, wie hy zy, son-

1) In deze cijfers is later geschrapt, zoodat het oorspronkelijke niet volkomen zeker is.

daechs ofte op predicatiedagen, smorgens voor XI uren offer onder die predicatie, colven, caetsen, clootschieten ofte enighe rebellicheyt oft anders bedryven, up peene van elcx tien st. Wat den jongen doen, an den ouden te verhaelen, ofte die geen goet en hebben, an haer lichaem.

129. *Van informen ende blintparlen.*

Item dat men op alle eenvormen an den lantzyde in den vaert eenen kenpael zullen setten, een roed voet hooch boven twaeter, op peene van elcx tien st., ende den blintparlen, elcx tien stuvers.

130. *Van eyeren soecken.*

Item daer moet nyemant, wie hy zy, ey soecken dan op zijn eygen lant, up peene van X st. off zijn operste cleet. Wat den jongen doen, an den ouden te verhaelen, ende die geen goet heeft, ant lichaem arbitralicken gecorrigeert ende gestraft te worden.

131. *Van nytflegge.*

Item gekuert ende geordonneert by den schout, burgermeesteren ende scepenen, zoe waer een man off eenich persoon is die enige scheere tens ¹⁾, lantschot, pontschot schuldich is, ende hy nyet en betaelt, die sal den burgermeester ofte collecteur zijn optie hebben, off hy den persoon wil panden, off hy hem den schout wil overleveren, dat den schout uyt mach leggen opte helfte meer weer. Ende sal men eerst ende alvooren den weet doen van betalinge, alleer men hem zullen moghen schade doen. Ter schepenen proeff.

132. *Van reeckeninge overleggen.*

Den ouden vredemaickers zullen haer reeckeninghe den nieuwe overleveren de facto, op III pondt.

133. *Van procuratie.*

Item is gekuert ende geordonneert, dat niemant sal mogen recht spreken off hy heb procuratie, op een boete van X stuvers.

1) Aldus W^o, terwijl W^o daarvoor leest: *heere tens*. Het zal wel moeten zijn: *sheren tens*.